

PRAXIS ^{808.c 6}
Curiae Admiralitatis
ANGLIÆ.

Auctore
Francisco Clerke, olim Curiae Can-
tuar. de Arcubus London.
Procuratore.



LONDINI,
Impensis Guliel. Crooke, 1667.


X

provincial

111

29.
8. 3.
85.





Editor Lectori.



*Um forte fortuna inciderem
in codicem quendam M. S.
qui inter alia continebat
Francisci Clerke Praxin duplicem,
illam sc. quæ nuper Dublini prodiit,
& hanc quam nunc damus, utramque
ut inspicerem statim de exscribendo
cogitavi; at verò ne frustra operam
impenderem, inquirendum prius ju-
dicavi apud Bibliopolas an non pub-
lice extarent? Atque priorem illam
editam inveni, non autem hanc: Ita-
que & hanc in proprium & privatum*

Editor Lectori.

meum usum exscribere opera pretium
dixi. Quo facto, cum de ea menti-
onem forte facerem apud Will. Crooke
Bibliopolam, ut Apographon meum
prælo committendi sibi copiam face-
rem rogavit; quod quidem haud
gravate annui. Imo miratus sum po-
tius, quo malo fato factum sit, ut in
Editione disjungerentur, quas in meo
Codice conjunctas vidi; quocirca
cum & hæc perinde ac altera quæ in
publicum commodum ederetur digna
mibi visa sit; petitioni illius omnino
cedendum statui: quod ut non illu-
benter facerem, libentius tamen fecis-
sem si emendatorem edere licuisset.
Exemplar enim quo usus sum, nec
ipsius auctoris autographon erat, nec
ubique satis fideliter transcriptum,
ut quisquis nunc editum inspexerit
fa-

Editor Lectori.

facile judicabit. Attamen nihil mutandum judicavi, me enim partes agere fidelis Scribæ, non censoris. Etenim id operis Lectoris judicio relinquere malui, præsertim aliorum exemplarium, quorum collatione emendarem, subsidio destitutus. Religio mihi semper fuit in aliorum scriptis describendis, & ipsa errata ad minimum apicem exscribere: Id enim viris eruditissimis maxime placere video. Itaque quod exemplar, quo usus sum, mihi exhibuit, id ipsum prælo fideliter ipse exhibui; reliquum est ut & prælum æque fidelem navet Operam, quod ubi fecerit nihil restitutum arbitror, quo minus usus ejus absque offendiculo tibi pateat. Si exemplar tibi fideliter repræsentemus, tuum erit Errata quæ pariter cum eodem


Editor Lectori.

*eodem tibi representamus tuomet ju-
dicio & arbitrio corrigere.*

Hæc te scire volui nescias ne effea.

E. S.

Praxis



Praxis Curiae Admiralitatis Angliae.

*Tit. I. De modo inchoandi siue instituendi Actionem
in Suprema Curia Admiralitatis Angliae,
& de tenore Warranti seu Mandati
Originalis Judicis.*

SI cui competit Actio in causa civili vel maritima contra Personam aliquam, & contra bona, impetrand. est Warrantum seu Judicis Mandatum, ad hos respectivè effectus, *videlicet*, ad arretandum, & per scapulas tenendum Reum, & ad detinendum siue custodiendum eum sub salvo & securo Arresto, donec legitimè comparuerit, vel ut habeatur tali die, *viz.* tertio, quarto, quinto, sexto, septimo, octavo, vel decimo die post Arrestum interpositum, si juridicus fuerit, alioquin proximo die juridico sequente extunc, in loco judiciali, seu ad jus dicendum solito, in Burgo de Southwark juxta portam civitatis London. coram honorando Domino magno Admirallo Angliæ, aut supremæ suæ curiæ Admiralitatis Presidente locum tenente, seu

C

Judice

Judice N. Mercator. London. in quadam causa civili & Maritima de justitia responsum.

2. *De Directione dicti Warranti.*

Concipitur nomine domini magni Admiralli Angliæ. dirigitur universis & singulis Justiciariis Constabulariis, Majoribus. Ballivis, & cæteris officariis domini nostræ Reginæ, & præsertim N. Mariscallo curiæ hujusmodi Warranta scribere, sine decreto Judiciali, ut citatio ordinaria in curiis ecclesiasticis.

3. *De modo exequendi Warrantum.*

Warrantum hujusmodi est tradendum dictæ curiæ Marefcallo, i.e. officario cuidam curiæ dictæ, ad hoc specialiter instituto, si persona arrestanda habitat vel versatur in Civitate London, aut Suburbiius ejusdem, seu locis convicinis: alioquin alicui Majori, Ballivo, Constabulario, vel univulq; alii seu Officiario cujusvunq; civitatis, villæ, seu oppidi in quo pars arrestanda habitat, qui virtute ejusdem Reum arrestabit, ei intimando causam arrestationis hujusmodi, & si arrestatus possit etiam cavere vel idoneæ fidei jubere de legitimè comparendo die & loco in dicto Warranto specificatis, ad respondendum Actori in dicta causa, est ab hujusmodi arrestatione liberandus. Si verò non possit ad hujusmodi effectus idoneè cavere, committendus, & custodiendus est sub arresto, donec ita sit ab eo fidei jussum.

4. *De*

4. *De Interpositione Cautionis seu fidejussor' per arrestatum de legitime comparendo.*

IN calce sive fine appendic. cujuscunq; Warranti Anglice (*in the Label*) cui apponitur live affigitur sigillum domini Admiralli, summa in qua actio sit instituta, in his verbis (Actio v. ff.) scribitur. In tanta igitur summa edenda, & interponenda ē cautio fidejussoria per arrestatum de legitime comparendo ad effectus prædictos. Caveat igitur officarius seu ballivus hoc Warrantum exequens, ut idoneos recipiat fidejussores, ne actio contra eum instituat, si reus per eum liberatus ē carcerib. non comparuerit. Capta verò hujusmodi cautione fidejussoria Warrantum prædictum una cum literis obligatoriis remittendus ē judici vel parti actrici tradendum ante diem comparitionis reæ una cum nomine illud exequent. & die & loco hujusmodi executionis Warranti.

5. *Quid sit legitime comparere.*

SI pars ipsa personaliter vel ejus procurator legitime comparuerit in die comparitionis virtute dicti Warranti una cum fidejussorib. obligandis ad respective effectus mentionat. in titulo de Introductione fidejussor. & fo.) dicitur legitima comparitio, secus non. Sed si reus ipse comparuerit personaliter line fidejussoribus ad effectus prædictos est per judicem carceribus committendus

mittendus & ibidem detinendus durante lite nisi interim fidejusserit. Judex tamen ex causis potest admittere juratoriam cautionem ad illos effectus ad quos interponendi fuissent fidejussores, saltem si sibi possit reum adeo pauperem esse ut non possit fidejubere. Et si pars introduxerit dictos novos fidejussores, vel in non introducendo commissus fuerit carceribus, liberantur ejus fidejussores à stipulatione ab eis capta pro legitima comparitione rei, & cautio obligatoria in ea parte interposita est tradenda, & arrest. est relaxandum.

6. *De Certificatorio dicti Warranti.*

Procurator actoris concipere debet Certificatorium super executione dicti Warranti per extensum, illudq; sigillo aliquo authentico sigillari procurare, ut Certificatorium in causis ecclesiasticis; vel Mandatarius line Mariscallus dictæ Curia qui dictum mandatum executus sit personaliter in judicio faciet fidem de executione dicti Warranti.

7. *De procuratorio ad lites, & constitutione apud acta.*

Procuratorium ad lites in causis civilib. & maritimis est idem cum procuratoriis in Curia Ecclesiasticis; omnesq; illas clausulas generales & protestates speciales continet, quæ in procuratorio

curatorio generali ad lites, in curiis Ecclesiasticis dicitur constituentem *dedisse potestatem & mandatum* ejus procuratori in omnibus causis & negotiis. In isto procuratorio in civilibus adjicienda seu addenda sunt ad dicta verba (*causis & negotiis*) hæc verba (*civilibus & maritimis*. Similiter in procuratorio ad lites in causis ecclesiasticis datur potestas procuratori petendi beneficium absolutionis seu relaxationis à quibuscunq; suspensionum, excommunicationum, aut interdicti sententiis è Jure vel ab Homine latis, seu ferendis simpliciter, vel ad cautelam. In procuratorio in causis civilibus omittenda est illa clausula, & loco ejusdem inferenda est hæc, nempe, Constituentem dare ejus procuratori potestatem legitimas cautiones, & fidejussores dandi & introducendi nec non ex adverso dari petendi & obtinendi. Quid verò sit constitutio aut stipulatio apud acta, lege Practicam Ecclesiasticam.

8. *De Petitione Procuratoris Actoris tempore relati Warranti.*

EGo N. exhibeo procuratorem meum literatorie vel apud acta si sit ita constitutus pro N. ac facio me partem pro eodem, & exhibeo mandatum Originale cum certificatorio in dorso ejusdem vel, super ejus executionem mandatarius presens in judicio fecit fidem, & accuso contumacia N. arrestati ad legitime comparendum istis die & loco tam juxta tenorem mandati predicti quam juxta stipulationem

seu cautionem fidejussoriam alias in hac causa captam, & penes registrum remanentem, vel jam per me exhibitam, & non comparentis, quare peto eum reputari contumacem & in pœnam suæ hujusmodi contumaciæ pronuncio incidisse in pœnam stipulatam sine in commissum. Tunc judex faciet Reum publice trina voce proconizari per Mariscallum Curia, & eo non comparente, decernet eum incidisse in pœnam stipulatam, & capiendum fore per scapulas donec solverit. Sed in isto casu non comparitionis reæ (in damnum actoris) protrahentis & tardantis litem, solet judex allocare aliquam rationabilem partem summæ in casu predicto non recuperare intuitu retardati processus & reliquam suo arbitrio disponere.

9. De Petitione Rei si Actor non comparuerit in die assignato per executionem Warranti, nec causam suam prosecutus fuerit.

SI Reus juxta arrestum & stipulationem alias per Seum interpositum comparuerit ipse aut ejus procurator exhibendo ejus procuratorium literatorie vel apud acta, dicet, *Allego N. presentem in judicio fuisse & esse auctoritate Warranti sive Mandati hujus Curia arrestatum ad comparendum istis die & loco ad respondendum M. in causa civili & maritima, & pro ejus personali comparitione fidejussores datos fuisse; partem tamen attricem nec per se nec per ejus procuratorem curare prosequi causam hujusmodi, quodq; Dominus meus est prom-*
pius

ptus & paratus ad producendum fidejussores idoneas ad respondendum Actori in causa seu actione per eum instituta juxta juris exigentiam & stilum Curia. Quare peto Dominum meum dimitti una cum expensis, & cautionem per eum interpositam pro ejus comparitione decerni seu cancellari.

Tunc judex faciet actorem trina voce publicè prononizari per Mariscallum Curia, & si nec per se, nec per ejus procuratorem comparuerit, nec causam prædicta prosecutus fuerit, Judex, si sibi placuerit, potest aut eadem die decernere ut petitur, & condemnare actorem in expensis, vel decernere actorem in posterum non esse audiendum nisi refulis expensis factis per reum; vel Judex potest expectare comparitionem in unum vel alterum juridicum, & tunc decernere ut supra. vel Judex potest (& hoc est magis quotidianum) decernere partem vocandam fore erga aliquem diem competentem ad proseguendum causam sub poena finalis dimissionis una cum expensis, ut in ecclesiasticis causis. Et si actor citatus non comparuerit, reus est dimittendus ut supra una cum expensis, & porrecta scedula expensarum hujusmodi taxandæ sunt judicis moderatione precito juramento super taxatione. Sed de Taxatione Expensarum, Monitione ad solvendum, & cæteris in hac parte incidentibus & de jure requisitis, lege Practicam in causis Ecclesiasticis, hoc excepto, quod in ipsa Monitione ad solvend. has expensas continetur etiam arrestatio, casu quo pars non curaverit expensas taxatas infra diem in monitione spe-

cificatam solvere, ut latius in aliis titulis in presenti Practica scriptis apparet. Et nota, quod licet reus arrestatus, ut supra, ad legitime comparendum ad respondendum in causa civili non comparuerit personaliter sed per ejus procuratorem legitimum una cum fidejussoribus obligandis ad effectum predictum, dicitur *Legitima Comparitio*.

10. *De Petitione Procuratorum hinc inde si Reus & Actor.*

SI Actor in die comparitionis Rei etiam comparuerit per se vel per ejus procuratorem, & accusaverit contumaciam Rei, ut supra in titulo de petitione procuratoris tempore relati Warranti, tunc reus comparens & stipulationi alias per eum interposuit, dicet per se vel per ejus Procuratorem, *Peto libellum & fidejussores per partem adversam dari vel partem eam dimittere una cum expensis*. Tunc procurator Actoris primo & ante omnia dicet, *Peto fidejussores idoneos dari per reum juxta juris exigentiam & stilum Curia*, tunc judex assignabit partibus hinc inde ad fidejubendum in prox. & actori ad libellum eodem die.

11. *De Introductione fidejussorum per Reum & Stipulatione ab iis captanda.*

Reus introducere debet fidejussores ad hos effectus, de judicio listi, de judicatis & expensis solvend. & de ratihibitione Procuratoris constituti

stituti vel constituendi; qui fidejussores submittere se debent jurisdictioni Curia, & renunciare omnibus privilegiis & exemptionibus & tunc per stipulationem ab iis live per judicem, sive de ejus mandato, & in ejus præsentia per Registrarium capiendam, recognoscent se debere Actori talem summam tantam, videlicet, pro qua actio instituitur, iis adjectis conditionibus vel legibus, quod si actor obtinuerit in causa ut reus fuerit condemnatus, tunc reus solvet actori non solum condemnationem, id est, sortem principalem, seu rem adjudicatam, verum etiam expensas litis per Judicem taxandas, & quod sistent partem principalem in judicio quoties jura volunt & personalis ejus comparitio requiretur, &, quod reus rata habebit gesta per ejus procuratorem, & quilibet fidejssorum tenetur pro toto & in solido. Nota tamen, quod in isto casu Judex potest ex causa moderari summam hanc à dictis fidejssoribus capiendam, quia aliquando actores, ut reus non possit fidejubere, sed ob defectum fidejssor. in tanta summa obligandorum, committeretur carceribus instituunt actiones in multa majori summa quam à reo debetur.

12. *De Petitione & Protestatione Procuratoris
Actoris tempore introductionis fidejssorum per
Reum.*

Quia aliquando Reus introducit fidejssores Actori incognitos & plerumque minus sufficientes

cientes aut idoneos, dissentiat igitur procuratoris eorum productioni, admissioni seu receptioni, & protestetur de insufficientia eorundem, & de petendo uberiores & magis idoneos, casu quo constabit eos non esse sufficientes, hæc enim protestatio est valde necessaria, ne videaris in eos consentire, ita ut postea non possis petere uberiores.

13. *De Productione fidejussorum ex parte actoris & stipulatione ab iis capienda.*

Actor etiam introducere tenetur fidejussores ad hos effectus, videlicet, de lite prosequenda, de expensis solvendis reo, casu quo succubuerit in causa, de ratihabitione procuratoris, nec non, de sistendo actorem personaliter in judicio, quoties ad hoc de jure & stilo Curia tenetur. Nam nota, quod quemadmodum actor uti possit responsis rei super positionibus libelli vel cujuscunque materiz defensionis, exceptionum, seu aliarum allegationum quarumcunq; per eum datorum, & hic expedit, ut rei procurator dissentiat & protestetur tempore receptionis hujusmodi fidejussorum ut supra precedenti titulo.

14. *De Petitione procuratoris ad uberius seu magis idoneè fidejuben dum.*

Licet fidejussores hinc inde recepti sunt, & postea Lis sit in causa contestata, vel forsan ad

ad conclusionem in causa producta, sed fidejussores sive rei sive actoris, non sunt idonei, tunc dicet procurator partis adversæ, *Allego N. & N. fidejussores ex parte N. in hac causa productos non fuisse nec esse sufficientes aut idoneos, habita consideratione ad gravitatem causæ (id est, si actio sit magni valoris) & quod iidem fidejussores vel talis fidejussorum, communiter habetur & reputatur apud notos & vicinos suos pro paupere, saltem non valente tali summa, viz. multo minori quam in qua actio constituitur, & ideo peto idoneos & sufficientes fidejussores dari ex parte adversa, alioquin decerni partem capiendam fore per scapulas, donec sufficienter & idoneè fuerit ab eo fidejussu. Tunc procurator alterius partis dicet, Dissentio & protestor de nullitate petitionis hujusmodi, ac inficior eandem esse veram; & allego esse satis sufficienter & idoneè ex parte domini mei in causa fidejussum, & quod fidejussores ex parte mea producti sunt satis locupletes & divites ad respondendum actioni institutæ, & quod pro talibus sunt communiter dicti, tenti, habiti, nominati & reputati, & ideo Dominum meum non esse cogendum ad uberius seu ulterius fidejubendum in causa. Et nota, quod licet fidejussores dati per Reum fuerint idonei & sufficientes eo tempore quo recepti fuerint in fidejussores, tamen postea lapsi sunt facultatibus. Ideo, ut superius dicitur, uberiores & alios in casu prædicto Reus tenetur dare. Similiter si fidejussores initio litis introducti, pendente eadem*

eadem fatis cesserint, pars qui eos produxit cogi debet ad dandum alios.

15. *De Decreto Judicis quoad petita de novis dandis fidejussoribus.*

DE hacre aut questione, viz. utrum fidejussores sint idonei & sufficientes, necne, Judex potest & solet summarie cognoscere, ne circa hanc questionem principalis causa differatur, & partes infinitis expensis graventur. Id si Judici id statim constare potest per aliquos præsentes in judicio, (nam singulis juridicis intersunt mercatores, qui plerumque noverint facultates Rei) assignabit parti ad uberius & idoneè fidejubendum in proximo juridico vel alio die suo arbitrio designando. Si vero de præmissis constare non potest, assignabit ad audiendum ejus voluntatem.

16. *De forma probandi sufficientiam vel insufficientiam fidejussorum.*

SUMMARIA & non plena aut exacta probatio in hac causa requiritur, ideo si allegans insufficientiam fidejussorum procuraverit certificatorium sub manu collectoris Regii subsidii in illis partibus in quibus fidejussores familiam foveant, quod in libro subsidii non omnino, saltem ad exigentiam summam taxantur, vel ex certificatorio pro-
orum virorum vicinorum hujusmodi fidejussorum
&

& judici cognitorum fuit significatum hos fidejussores publicè reputari pro pauperibus, saltem non valentibus tantam summam, Judex debet decernere ut supra. Et è contra, si pars produxerit fidejussores, & probaverit modo præmissio, vel alias, sufficientiam fidejussorum per eum introductorum, tunc deneganda è petitio prædicta, de novis dandis fidejussoribus, aut expresse, aut tacite procedendo ad alia huic petitioni contraria.

17. *De Cautione interponenda per partem principalem pro indemnitate fidejussorum.*

IPso ac eodem tempore & in eodem actu in quo capta erat stipulatio seu recognitio fidejussorum, obliganda est pars principalis non solum ad omnes alios effectus ad quos obligati erant ejus fidejussores, verum etiam de conservando hujusmodi fidejussores indemnes quoad cautionem per eos interpositam. hæcque cautio principalis partis solet fieri in duplici summa à fidejussoribus capta, in majori, quam in qua fidejussores obligati fuerint, Judicis arbitrio limitanda.

18. *De Datione sive Oblatione Libelli.*

EDitis & introductis fidejussoribus hinc inde, dicet procurator actoris, Do Libellum & peto decerni procedendū fore summarie & de pleno. Quoniam omnes causæ civiles & maritimæ sunt causæ summarie, ac eo modo est in eisdem omnibus

omnibus procedendum, quo in causis summariis ecclesiasticis proceditur. Vizi decernendum est pro parte principali, assignandus est terminus probatorius, producenda est pars principalis, producendi sunt testes presentes in iudicio, concedenda est commissio pro testibus in partibus infra Regnum, & sub mutæ vicissitudinis obtentu & in juris subsidium, extra Regnum. Atque procedendum est in eisdem Commissionibus. Hæque Commissiones sunt iudici competenti concedenti certificandæ, & testium publicatio petend. & decernenda. Et de jure est procedendum usque ad finalem sententiæ definitivæ prolationem inclusivè ferendam prout in causis ecclesiasticis summariis, his sequentibus exceptis.

19. *De modo testificandi Decretum personale ad respondendum petitionibus libelli, si reus citari non possit & decreto Judicis.*

Licet omne originale Warrantum sive Mandatum Originale continet arrestationem personæ reæ; tamen decretum, seu ut vocant Warrantum personale pro parte principali ad respondendum petitionibus Libelli, continet tantum citationem, ut in causis ecclesiasticis. Sed si reus vigore ejusdem citari non possit personaliter, quia Latitavit, tunc est ita certificandum aut per ipsum Mandatarium personaliter in unum ejus juramenti, vel per certificadorium authenticum, ut in causis ecclesiasticis, & petendum est ut fidejusso-
res

res vocentur ad comparandum aliquo die competente ad sistendum partem principalem sub pœna per eosdem stipulata. Tunc Judex (decernimus) tamen relinquitur arbitrio Judicis utrum voluerit decernere hoc decretum contra fidejussores, vel prius decernere partem principalem citandam fore personaliter, si ita possit apprehendi, alioquin viis & modis omnibus quibus melius aut efficacius notitia hujusmodi citationis ad aures ejus verisimiliter pervenire possit, viz. per affixionem mandati in foribus solitæ habitationis reæ, vel Ecclesiæ Parochialis, vel si sit Mercator *Londonensis* vel extraneus, per affixionem ejusdem in publico Excambio, cum major concursus Mercatorum ibidem habetur, & tunc vel alio mandato hujusmodi & parte comparente, decernere fidejussores vocandos fore ut supra ad sistendum partem principalem. Et nota, quod omnia quæ in præsentî titulo scripta sunt de parte principali reæ, & de ejus fidejussoribus eundem locum habent de parte principali ættrici ac de ejus fidejussoribus in casu quando reus intendit uti ejus responsionibus propositis & allegatis ex parte reæ. Et similiter nota, quod quamvis etiam in præsentî titulo dicitur, Quod si reus latitaverit & quod est decernenda nova citatio personalis si ita possit apprehendi, Judex potest, cum primum Warrantum seu dicta citatio pro parte principali sit relata, quia pars Latitavit, decernere eam partem arrestandam ac per scapulas capiendam si possit apprehendi donec comparuerit, & si ita capi &

Arrestari

Arrestari non possit, tum citanda viis & modis omnibus ut supra.

20. *De Petitione Procuratoris Actoris, si fidejussores rei moniti ad sistendum partem principalem non comparuerint nec sistunt eundem.*

‘**P**rocurator actoris dicet, Exhibeo verū mandatum originale una cum certificatorio in dorso vel super cujus executione mandatarius presens in judicio fecit fidem, & accuso contumaciam *N. & N.* fidejussorum ex parte reæ partis principalis monitorum ad personaliter sistendum istis die & loco partem principalem petitionibus libelli alias con. dum dat. personaliter responsuram alioquin citatur ad comparendum istis die & loco ad sistendum eandem partem ad effectum prædictum juxta stipulationem per eos in hac parte interpositam vel ad dicendum causam quare non deberent declarari incidisse in hujusmodi commissum sub pœnam stipulatam. Quare peto eos reputari contumaces, & in pœnam declarari incidisse in hujusmodi commissum sub pœnam stipulatam, & capiendum fore decerni donec solverent commissum. Tunc fienda est publica proconizatio trina voce per Mariscallum Curie pro fidejussoribus, eisq; non comparentibus, pronunciandi sunt contumaces & in pœnam declarandi sunt incidisse in commissum. Hic tamen notandum est, quod Judex non solet quamvis possit in primo die pro comparitione fidejussorum
hoc

hoc decretum inter diem juridicum expectare, & crastinare eorundem comparitionem. Quod si factum sit caveat procurator actoris, ut continuetur Certificatorium dicti Warranti contra dictos fidejussores introducti in diem deliberatorium datum per Judicem, ut si eadem die dicti fidejussores non satisfecerint contentis in dicto mandato, possit denuo accusare eorum contumacias, & petere ut prius; quod facere non potest, si circumductum, aut, ut vocant, discontinuatum sit Certificatorium prædictum. Et nota, quod si pars principalis infra unum aut alterum diem post interpositum decretum dictos fidejussores incidisse in pœnam stipulatam & capiend. fore, & antequàm illud fuerit in eosdem fidejussores executum, comparuerit, quod Judex non obstante ejus decreto prædicto potest hujusmodi pœnam seu commissum suo arbitrio moderari; ita tamen ut aliqua pars moderatæ summæ præstetur actori, ratione expensarum per eum factar. per retardationem processus.

21. *De Petitione fidejussorum si non comparuerint in die eis dato; ad sistendum partem principalem.*

Communitè omnes actiones institutz in Curia Admiralitatis tractantur inter Mercatores, tam domesticos quàm extraneos, nautas, & marinariorum. Ideo si pars principalis, ad quem sistendum vocantur fidejussores, abfuerit a regno,

D

vel

vel fuerit in longinquis partibus regni isto tempore quo sisti debuisset, dicti fidejussores tenentur, ad eorum purgandam contumaciam, comparere, & præmissa impedimenta, nempe absentiam partis principalis allegare, & se promptos & paratos offerre ad sistendum partem principalem, quocunque die competenti, Judicis arbitrio designando; & si fidem de veritate hujusmodi allegationis fecerint, Judex debet & solet statuere aliquem diem competentem eisdem fidejussoribus ad sistendum partem principalem ad effectum prædictum juxta distantiam loci in quo principalis versatur. Erga quem diem procurator actoris petere debet, ut supra, continuationem Certificatorii aliàs per eum introducti contra dictos fidejussores, ut si non sisterent partem principalem eadem die, possit in pœnam eorum contumaciam petere eos incidisse in pœnam stipulatam seu commissum pronunciari. Potest etiam procurator actoris ex superabundanti, & ad majorem cautelam petere à Judice, ut mandet dictos fidejussores cum præmissa allegaverint & petierint ad comparandum personaliter dicto die eis dato ad sistendum partem principalem ad videndum se declarari incidisse in commissum, casu quo hoc decretum de pronunciando dictos fidejussores incidisse in commissum decerni potest, in pœnam eorum geminatæ contumaciæ, si non comparuerint, & satisfecerint dicto Warranto, ut præfertur, in eos executo, & monitioni judiciali ante-dicto. Hæc, duo sunt notanda; primò, quod si actor, vel ejus

ejus procurator suspicatur fidejussores^{Rei}, animo protrahendi litem, dum tempus liberatorium ad sistendum partem principalem petere, & quod in die dato ad sistendum tunc ulterius animo hujusmodi litem differendi intendere aliquas frivolas allegare causas ad obtinendum secundas inducias ad sistendum eandem partem, utpote quod ægrotat, vel ita gravatur ære alieno, quod non audet comparere, vel saltem tunc petere commissionem ad partes pro ejus examinatione, potest in ipso die, quo dicti fidejussores primo tempus prædictum deliberatorium ad sistendum partem principalem interpellare Judicem, ut compellat eos tunc uti beneficio commissionis ad partem pro examinatione dicti rei sub pœna carentiæ, id est, quod in posterum denegata eis commissio ad effectum prædictum. Secundum, quod Judex ex causa vel gratia possit admittere procuratorem ad comparendum pro dictis fidejussoribus, ad allegandum causas absentię partis principalis, & ad petendum tempus ad sistendum eandem, vel commissionis pro ejus examinatione. Sed in isto casu ex necessitate continuandum est dictum Certificatorium in diem, seu potius in proximum diem juridicum, datum ad sistendum partem, ut si non sistatur, Judex possit pronunciare & declarare in pœnam contumaciæ dictorum fidejussorum; quod fieri non potest, si discontinuatum fuerit Certificatorium dicti Warranti, ut profertur executioni contra dictos fidejussores.

22. *De Productione partis principalis & testium, & pœna eis infligenda, casu quo non subierint examen juramento.*

Producendi & juramento onerandi sunt testes, & pars principalis, eo modo & forma quibus in causis ecclesiasticis & monendi ad subeundum examen citra diem per Judicem assignandum, sub pœna quadâ pecuniaria, aliquando in levioribus causis sub pœna *xl. s.* aliquando in majoribus, sub pœna *5. lb.* juxta Judicis arbitrium & causæ gravitatem: Et, si non curaverint subire examen ante diem constitutum, eorum contumacia est accusanda, & pronunciandi sunt incidisse in dictam multam sive pœnam. Et decernendum est eos capiendos donec eandem solverint, & subierint examen; ista summa est Judicis arbitrio distribuenda in pios usus, præsertim in pauperes incarceratos, & aliquando aëtori, si sit pauper, quia per hanc moram testium & partis principalis non subeuntium examen, processus est retardatus: solet etiam Judex in his casibus indulgere his testibus & parti principali, & continuare pronuntiationem eorum pœnæ in unum aut alterum juridicum, antequam pronunciat eos incidisse in dictam pœnam, & esse capiendos, &c.

23. *De Compulsorio contratestes recusantes testimonium perhibere.*

R Equisitis testibus & oblatis eis viaticis, ut in causis viaticis, si recusaverint venire, vel non venerint; decernendum est, eos capiendos fore per scapulas, & carceribus committendos, donec comparuerint.

24. *De alio modo procedendi in Causa Civili, si Reus are alieno gravatus, non possit arrestari; & de Warranto in hoc casu.*

Omnia in præcedentibus titulis sunt intelligenda, quando Persona Rei sit arrestatâ in causa Civili. Nunc tractabitur de arrestandis Bonis Rei. Si igitur ita latitat, vel forsan abfuerit extra regnum, quo minus possit arrestari, tunc si habuerit aliqua bona, merces, vel navem, vel navis aliquam partem, seu cymbam super mare, vel infra fluxum & refluxum maris, tunc impetrandum est Warrantum ad hos effectus, *Ad arrestandum talia bona, vel talem navem, &c.* ad N. id est, ad reum debitorem spectantia, in quorumcunque manibus existentia, & ad citandum apud bona huiusmodi N. debitorem in specie, ac omnes alios in genere, jus & interesse in bonis huiusmodi habentes, aut habere prætendentes, ad comparendum tali die, N. Mercatori in quadam causa civili & maritima, de iustitia responsuros.

25. De Executione dicti Warranti.

Mariscallus, seu alius Judicis Officiarius, bona prædicta ubicunque fuerint, arrestabit, atque sub salva & securo custodia eadem servabit; citabit etiam apud eadem bona dictum reum, & alios quoscunque jus & interesse habentes in bonis hujusmodi aut habere prætendentes. Dicendo publicè omnibus tunc præsentibus, & penes quos eadem bona tempore hujusmodi arresti remanebant, quod peremptorie citat tam dictum *N.* reum in specie, quam omnes alios in genere, jus aut interesse in bonis arrestatis habentes, aut habere prætendentes, quod compareant, & quilibet eorum compareat, die & loco in Warranto prædicto specificatis, *N.* in causa civili & maritima de justitia responsuri.

26. De Certificatorio dicti Warranti.

Mariscallus certificare debet dictum Warrantum cum schedula bonorum arrestatorum ad diem quando, & locum in quo illud fuerit executus; & quod citavit Reum & cæteros juxta tenorem ejusdem. Sed si mandatarius, qui hoc Warrantum fuerit executus, sit in remotis [regni partibus] ita ut personaliter certificare non possit, tunc hæc executio est certificanda per Certificatorium authenticum, ut supra in titulo, de Certificatorio dicti Warranti. 6.

27. De

27. *De Exhibitione, seu Judiciali Introductione dicti Warranti, & Petitione Procuratoris actoris.*

EGo *N.* exhibeo procuratorium meum literatioriē, vel apud acta, pro *N.* & facio me partem pro eodem, & exhibeo mandatum originale cum Certificatorio indorso, vel super quo Mariscalus præsens in judicio fecit fidem; & accuso contumaciam *N.* rei citati, & aliorum citatorum in genere jus & interesse in bonis arrestatis habentes, vel habere prætendentes, ad comparandum istis die & loco, dicto *N.* actori in causa civili & maritima de iustitia responsur. Et peto eos & eorum quemlibet reputari contumaces & contumacem, & in pœnam incidisse decerni in primam defaultam. Tunc facta præconizatione publica trina vice pro citatis, tam in specie, quam in genere, eisque non comparentibus, Judex pronuntiabit eos pro contumacibus [reputari] & in pœnam hujusmodi contumacię declarabit eos, & quemlibet eorum incidisse in primam defaultam; tunc petet procurator continuationem Certificatorii dicti Warranti in proximum juridicum seu alium diem per Judicem assignandum.

28. *De modo arrestandi bona vel nomina in manibus aliorum, ad quæ arrestanda Officiarius non habet accessum.*

A Liquando is qui tibi debet aut ex mutuo aut ex alio contractu maritali aliquam summam, non potest conveniri, ut eum possis arrestare, nec etiam habet aliqua bona ad quæ arrestanda Mariscallus possit accedere, noveris tamen penes quem bona debitoris tui remanent, vel aliquam personam qui indebitatus sit tuo debitori; in hac causa possis obtinere Warrantum ad effectum Warranti in titulo 24. de alio modo procedendi. Et Officiarius potest vigore ejusdem adire illam personam penes quam dicta bona remanent, vel quæ dicto debitori tuo obnoxia sint, eaque arrestare ad *N.* debitorem tuum spectantia, aut citare apud eadem bona eandem personam tibi indebitatam in specie, ac omnes alios in genere, &c. ut in dicto titulo. Et notandum est, quod in dicto Warranto bona & debita, seu pecuniarum summæ, quæcunque ad dictum *N.* spectantia, & in manibus dictæ personæ seu alterius personæ cujuscunque remanserint, sunt in isto Warranto ubi bona possunt per Officium arrestari.

29. De Certificatorio dicti Warranti.

Est certificandum ut illud prius Warrantum, & accusanda est contumacia citatorum tam in specie, quam in genere, & procedendum est in omnibus, tam quoad contumacias personæ in specie, quam aliorum in genere, prout in dicto titulo de Exhibitione seu Judiciali Introductione Warranti, & de petitione procuratoris actoris. 26.

30. De modo procedendi in dicto Arresto, si is in cuius manibus bona aut nomina arrestata sunt, comparuerit.

Si ille in cuius manibus arrestantur, bona vel nulla nomina talia habuerit, tenetur comparere in die prædicto, & allegare se nec tempore interpositi arresti, nec citra, nec in præsentī penes se, aut in ejus custodia habuisse, aut habere, aliqua bona aut debita ad *N.* spectantia; & quod non stetit per ullam fraudem ullumne dolum [aut] malum quo minus remanerent. Et si hæc allegans fecit fidem de super ad scā. de Evangelia, est dimittendus, & frustra omnia acta sunt per actorem. Limita tamen, quod si actor ante hujusmodi præstitutum juramentum, voluerit allegare, & suscipere in se onus probandi aliqua bona vel debita prædicta, viz. seu debitoris remanere penes dictam personam arrestatam, est ad hoc admittendus, & si probaverit, debet ea recuperare per

per sententiam definitivam Judicis una cum expensis. Et nota, quod in isto casu dicta persona, quæ justificata fuit bona penes se remansisse est cogenda ad respondendum auctori per dictum actorem in hac lite instituendum, & ad fidejuben-
dum ad omnes effectus illos mentionatos in tit. 11. de Introductione fidejussorum per Reum & stipulatione ab eis capienda. Et è contra auctor tenetur fidejubere (ut) in titulo (13.) de productione de jussorum ex parte auctoris & dandus est libellus, & in omnibus est procedendū ut in ordinaria causa maritima, quando agitur pro debito. Et auctor, si, ut præfertur, defecerit, est condemnandus in expensis. In libello verò in hoc casu per actorem dando, non tenetur allegare aut probare debitum illius personæ quam in dicto Warianto prætenditur ei fuisse indebitatum, sed sufficit ad obtinendum in hac causa probare bona seu nomina dicti debitoris remanere in manibus dictæ personæ. Jam, hoc probato, cogenda est ad judicialiter introducendum & deponendum apud Judicem bona vel debita hujusmodi, & tunc auctor tenetur recuperare eadem bona per defaultas, ut supra, si nullus comparuerit; aut iudicio contradictorio, si debitor præsens comparuerit, & si auctori quicquam debere inficiatus fuerit. In quo casu si interveniens hujusmodi introduxerit fidejussores obligandos ad effectus prædictos, bona arrestata, vel apud Judicem deposita sunt sibi tradenda, & auctor tenetur dare fidejussores, ut supra, De concessione secundæ & tertiæ defaultæ. In omnibus casibus

calibus supra-dictis cum proceditur contra bona arrestata seu debita, & nec persona cujus bona prætenduntur esse arrestata, nec quisquam alius eadem vendicando comparuerit, procedendum est contra eos in pœnam eorum contumaciam, ut in prædicto titulo, (27.) de Exhibitione, seu Judiciali Introductione dicti Warranti. Et quemadmodum in primo die pronunciandi sunt contumaces & in pœnam declarandi incidisse in secundam defaultam. Continuandum est etiam Certificatorium aliàs introductum in proximum vel alium juridicum Judicis arbitrio limitandum. In eodem vero secundo die juridico in omnibus est petendum, ut supra, id est, pronunciandum est eos, & quemlibet eorum incidisse in tertiam defaultam, ac dictum Certificatorium est, ut supra, continuandum in proximum diem juridicum, & in illo tertio juridico similiter petendum, accusandum, & pronunciandum est omnes prædictos incidisse in quartam defaultam.

31. *De Petitione Procuratoris & (Decreto) Judicis postquam contumaces sunt pronunciati incidisse in quartam defaultam.*

PROcurator aëtoris in isto die ex superabundanti debet accusare contumaciam dictorum citatorum tam in specie quam in genere præconizatorum & non comparentium, & in pœnam contumaciarum suarum hujusmodi dicet: Do articulum ex primo decreto, & allego, peto, & cætera facio

‘ facio prout in eodem continetur, & peto eundem
‘ admitti & jus & justitiam fieri & administrari, &
‘ partem meam mittendam fore decerni in possесси-
‘ onem bonorum arrestatorum ex primo decreto.
Deinde Judex præconizari faciet trina vice omnes
prædictos citatos tam in specie quam in genere,
eisque non comparentibus, pronunciabit eos con-
‘ tumaces; & in pœnam dicet, Admittimus hujus-
‘ modi articulum. Deinde actor sive ejus procura-
tor ad probandum contenta in dicto articulo, id
est, ad probandum debitum petitum, exhibere
debet literas obligatorias, aut alia hujusmodi, ex
quibus petit hujusmodi debitum; & pars principa-
lis tenetur facere fidem per juramentum corpo-
rale sibi per judicem datum de veritate debiti pe-
titi. Quo facto, Judex solet perlegere, licet sub-
missa voce, dictum articulum, & deinde dicere:
‘ Nos pronunciamus & decernimus prout petitur.
Tunc procurator dabit schedulam expensarum,
quam Judex taxabit, facta fide super taxatione hu-
jusmodi, & per procuratorem seu partem princi-
palem, & decernet bona arrestata aprecianda,
& facta appreciatione juxta verum valorem eo-
randem, editis etiam per actorem fidejussoribus
idoneis de respondendo quibuscunque jus in hujus-
modi bonis recuperatis habentibus, & pro eodem
intervenientibus infra annum sequentem, eandem
partem dimittendam fore in possessione bonorum
prædictorum, quoad quantitatem debiti petiti, si
ad hoc sufficiant, alioquin in quantum sufficiant.

32. *Quæ continentur in dicto Articulo ex primo Decre.*

Actor in articulo hujusmodi declarare seu narrare tenetur factum, hoc est, quando, & ex quo contractu oritur debitum petitum, & in conclusione petere jus & justitiam, & se mittendum fore in possessionem arrestatorum bonorum, in quantum sufficiant ad solutionem debitorum petitorum. Hoc etiam addito, quod non habuit spem aliam recuperandi debitum, nisi per arrestationem bonorum prædictorum.

33. *De modo procedendi si ille comparuerit, ad quem in Warranto prædicitur bona arrestata spectare.*

Sæpe contingit, quod sicut in personali actione persona alicujus sit arrestata propter debitum, cum nullum debetur; ita aliquando bona tua arrestantur pro debito supposito. In isto igitur casu quamprimum notitiam habueris bona tua arrestata esse, ne eadem per defaultas, modo præmissis, contra te recuperentur, & in pœnam tuæ contumaciæ adversarius tuus ex primo decreto mitteretur in possessionem eorundem, expedit ut compareas; & si introduxeris fidejussores de respondendo actioni institutæ ad omnes effectus in titulo (II) de Introductione fidejussorum per reum, tunc relaxandum est arrestatum prædictum &

& bona tibi tradenda sunt. Et actor tenetur fidejube-
re, libellare, ac debitum petatum probare, &
in causa procedere in omnibus, ut in actione insti-
tuta contra personam debitoris. Si tamen ante-
quam interveneris pro interesse (tuo) fueris pro-
nunciatus contumax, & Judex pronunciaverit te
incidisse in aliquas defaultas, primo & ante omnia
persolvendæ sunt expensæ hujusmodi contumaciæ,
antequam tibi tradenda sunt bona prædicta, vel tu
audieris in casu.

34. *De Comparitione tertia persona ad quam spe-
ctant bona arrestata, quamvis arrestantur tan-
quam bona alterius.*

SI bona (tua) arrestata sunt tanquam bona &
pro debito alterius, si interveneris pro inter-
esse tuo in iisdem ante prolatum primum decre-
tum, persolvendæ sunt integræ expensæ litis, tem-
pore prolationis dicti decreti antequam audiaris.
Si vero comparueris ante latum hujusmodi decre-
tum, expensæ tantum defaultarum prædictarum
sunt solvendæ, ut in titulo prædicto. Quibus so-
lutis proponendum & allegandum est interesse tu-
um, ac dandi sunt per te fidejussores de iudicio
sisti, expensis solvendis, casu quo defeceris in
probatione interesse tui hujusmodi, & ratihabiti-
one procuratorii; pendente hac lite bona arresta-
ta sunt sub arresto custodienda, vel sequestranda,
ut in titulo, (39) In quo casu bona sint seque-
stranda, &c. Et si probaveris interesse tuum, ad-
judi-

judicanda sunt tibi bona, & actor est condemnandus in expensis, & è contra si defeceris, persolvendæ sunt per te expensæ Actoris.

35. *Quod Actor possit obtinere primum decretum tam contra eandem personam ad quam pretendebat bona arrestata spectasse, quam contra omnes alias personas, præter comparentes.*

Licet tertius interveniebat pro interesse in bonis per te arrestatis tanquam bona ad alium tibi indebitatum spectantibus, poteris tamen procedere, & prosequi dictum arrestum modo præmissio, contra dictum tuum debitorem ac contra quoscunque alios, excepto comparente, & in plenam ejus & aliorum contumaciam procedere, & obtinere primum decretum, & decretum de te mittendo in possessionem bonorum prædictorum quoad cont. prædict. possessio tamen dictorum bonorum non est tibi tradenda, pendente lite inter te & dictum tertium intervenientem pro interesse.

36. *De tertio interveniente pro interesse post latum primum decretum.*

Intervenienti pro interesse post prolationem primi decreti, non est audiendus, nisi primo solutis expensis taxatis tempore lati decreti, & tunc allegandum & proponendum est hujusmodi interesse, ac dandi sunt fidejussores ad effectus in titulo (33.) de Comparitione tertiæ personæ ad quam spectant bona

bona arrestata, tenetur tantum dare fidejussores de judicio fisci, expensis solvendis & ratihabitione procuratorii. Sed quamprimum procurator actoris live rei functus est officio, & desinit esse procurator, quamprimum sententia definitiva sit lata, ita etiam functus est officio suo quamprimum obtinuit dictum primum decretum, & dominus suus fuit missus in possessionem bonorum, &c. Tamen quare, quia ad triginta annos elapsos maxime fuit inter doctissimos controversum. Ideo interveniens hujusmodi pro ejus interesse, tenetur vocare partem principalem si in humanis egerit, vel ejus fidejussores obligatos, ut supra, de respondendo quibuscunque, ut in titulo (30.) de petitione procuratoris & decreto judicis, &c. ad dicendum causam quare non deberet admitti ad proponendum interesse suum in talibus bonis nuper utcunque per primum decretum talia bona ad talem spectantia, &c. & ad videndum interesse hujusmodi admitti. Et, si citati in hoc casu non comparuerint, decernendum est Warrantum ad arrestandum eos, &c. donec comparuerint. Si vero comparuerint probare debet dictus tertius interveniens hujusmodi interesse suum; & est in omnibus procedendum, ut supra, in causa ordinaria. Et si illud interesse suum probaverit, bona prædicta recuperabit ut præfertur per primum decretum, si extant; alioquin eorum verus valor juxta appreciationem modo præmisso tempore primi decreti factam, sunt sibi adjudicanda, una cum expensis ea occasione factis. Et si defeceris

ceris, præstare debes expensas adversarii.

37. *De modo arrestandi bona tua propria per alium detenta, occupata, sive possessa.*

QUum sæpe fit, præsertim tempore belli seu Guarræ quod bona seu navis tua, sunt per hostes vel piratos capta, & postea fortè fortuna ad hoc regnū deducta; vel si bona tua sint quocunque modo occupata, possessata seu detenta; vel si factor, aut negotiorum tuorū in partibus transmarinis gestor, a tuum usum & compotum signavit tibi quædam bona, alius tamen eadem detinet, vel injuste occupat: In his calibus obtinere potes Warrantum ad arrestandum hujusmodi bona, tanquam bona tua propria, cum citatione in eodem, tum contra detentores seu occupatores eorundem in specie, tum contra quoscunque alios in genere jus aut interesse in eisdem habere prætendentes, ad respondendum in causa civili & maritima. Quo Warranto executo & relato, ut supra, si nullus comparuerit, procedendum est in omnibus, ut supra, & post quartam defaultam, tibi adjudicanda sunt, non pro debito tuo proprio, ut priori casu, sed pronunciandum est, in pœnam contumaciæ non comparentium; eadem bona ad te spectare, &, tanquam tua bona propria; es in possessionem eorum mittendus; edenda etiam in hoc casu est per te cautio fidejussoria, ac bona prædicta sunt aprecianda, ut in titulo, (30.) de petitione procuratoris, & decreto Judicis in die assignato pro quarta defaulta, quo facto fa...

38. De modo procedendi in possessorio.

SI bona tua tanquam alterius bona fuerint arrestata, & tu sive per te ipsum, sive per alium tuo nomine & ad tuum usum, fueris tempore huiusmodi arresti in possessione eorundem, comparere potes coram Iudice, & allegare ut sequitur: *Comparuit personaliter N. & ad omnem iuriam effectum, &c. allegavit, quod tempore interpositi arresti, ipse fuit in quiete & pacifica possessione bonorum arrestatorum, non vi, clam, metu, nec precario, & petiit possessionem bonorum arrestatorum sibi primo & ante omnia decerni, seque teneri in possessione eorundem, ac arrestum alias in eisdem autoritate huius Curia interpositum relaxare, ac ius & iustitiam....*

Si actor possessionem huiusmodi iustificatus fuerit, ea est probanda postquam proposita fuit contr. & diem ac admissa. Expedi etiam ut fiat per te protestatio quod non intendis in petitorio procedere, sed in possessorio tantum. Actor etiam qui bona prædicta tanquam sua arrestavit, allegare potest, se fuisse & esse possessorem dictorum bonorum, & replicare quod fiet quatenus dictus *N.* unquam fuerit de facto in possessione bonorum arrestatorum, quod eandem obtineat per vim, violentiam, metum, dolum malum, vel precario, & si hinc inde procedendum est in possessione, ut qui eandem probaverit, per sententiam definitivam, obtinebit possessionem huiusmodi bono-

bonorum, & postea partes hinc inde, si per hanc sententiam gravati fuerunt, procedere possunt in Petitorio.

39. De modo procedendi in Petitorio.

Ille cui possessio bonorum prædictorum per sententiam Judicis sit adjudicata, si adversarius ejus voluerit litigare & procedere in Petitorio, & probare bona prædicta ad eum spectare, tenetur antequam realis possessio dictorum bonorum sit sibi tradenda, edere cautionem fidejussoriam de respondendo dicto actori in petitorio, hoc est, de restituendis bonis prædictis, de eisdem non barrandis, casu quo actor obtinuerit in petitorio, & de judicio sisti, & expensis solvendis, & ratihabitione procuratorii, & bona sunt per Judicis decretum per peritos & probos appretianda, & juxta valorē eorundē æstimanda. Et quemadmodū actor in isto casu ita interveniens & obtinens possessionē potest proponere ejus interesse & jus in prædictis bonis, & procedere in petitorio, & probans obtinebit sententiam cum expensis; & e contra est in hoc negotio petitorio procedendum in omnibus, ut in cæteris causis maritimis. Et nota, quod actor antequam fuerit admittus ad proponendum interesse suum in petitorio, tenetur dare fidejussores de lite prosequenda, & de ratihabitione procuratorii, & de judicio sisti.

40. *In quo casu bona sunt sequestranda, vel sub arresto custodienda.*

PEndente dicta lite in possessorio vel petitorio, bona sunt sequestranda & neutri litigantium tradenda. Sed si bona sunt talia quæ servand. servari non possunt, vel, si custodirentur, non solum peritura, sed etiam multo minoris pretii & valoris essent in fine litis, Judex, petente una parte quamvis altera dissentiente, si de præmissis sibi possit constare, potest decernere hujusmodi bona de verisimili peritura, per homines peritos, & indifferentes per partes hinc inde nominandos, ac per Judicem approbandos, appretianda, & valor seu pretium ex eisdem bonis receptum, est penes Judicem, seu apud ejus Registrarium ad usum ipsius habentis, & obtinentis.....

41. *Quid si plures arrestarunt una & eadem bona pro eorum respective debitis.*

ALiquando una persona diversis est debitata, & adeo creditores hujusmodi per diversa Judicis Warranta, bona debitoris hujusmodi, pro recuperandis eorum respective debitis, arrestari obtinent, bona tamen arrestata non sufficient ad solutionem omnium hujusmodi debitorum; is igitur in isto casu præferendus est, & obtinebit primo Judicis decretum de mittendo in possessionem qui primo actionem prædictam instituit, vel bona

bonā prædicta arrestari procurabit; hujusmodi etiam ordo & forma observandus est quoad reliquos debitores, viz. illi sunt præferendi cæteris; qui primo bona arrestarunt; & si, soluto debito primi debitoris, sufficiant aliqua bona cæteris creditoribus, cuivis non omnibus persolvenda.

42. De Juramento Calumnię, & quot capita continentur in eodem.

DE hoc juramento Calumnię & de capitibus ejusdem, & in quibus casibus præstari debet, nec non de Juramento Malitię non committendę, lege titulos in Practica Curiarum Ecclesiasticarum, in quibus de his particulariter tractatur.

43. De Propositione materię defensionis, de proponendis Exceptionibus, de corroboratione testium.

DE his etiam omnibus plene tractatur in practica Curiarum Ecclesiasticarum. Nota tamen, quod in ista Curia Admiralitatis juxta antiquum stylum & consuetudinem ejusdem, admittuntur exceptiones in genere, dato termino competenti Judicis arbitrio constituendo ad has generales exceptiones specificandas; & tamen ad illas in genere, quam specificatorias probandas, unus aut idem datur terminus, id est, si admissis prædictis Exceptionibus in genere, datus fuerit terminus probatorius ad eas probandas, & postea

data fuerint exceptiones in specie, seu specificatoria, non est assignandus alius seu novus terminus ad illas probandas, sed producendi sunt testes infra diem probatorium datum, pro illis generalibus exceptionibus probandis.

44. *De Juramento Suppletorio.*

HOc Juramentum potest peti, & decerni solet in omnibus causis maritimis; de forma verò allegandi causas ut illud tibi deferri obtineas, de tempore & modo illud petendi, tractatur in Practica Curiarum Ecclesiasticarum.

45. *De Exhibitione Instrumentorum.*

DE exhibendis Instrumentis, & allegationibus in ea parte requisitis, de responsis ejusdem per procuratores, & partes principales dandis, de forma declarandi eos pro confessis, si recusarint respondere, vel non plene responderint, lege titulos de his specialiter scriptis in Practica prædicta, his tamen mutatis & variatis. Si procurator, pars principalis, vel testes, recusaverint præstare juramentum de respondendo, vel fideliter deponendo super libello vel quibuscunque aliis propositis, super quibus de re tenetur respondere & deponere, Judex potest eos carceribus, propter hujusmodi contemptum committere, donec hujusmodi juramentum præstiterint, vel eos monere ad hujusmodi juramentum, pronunciare eos incidisse in eandem

eandem poenam, & eos compellere per incarcerationem ad solutionem ejusmodi summæ.

46. De Comparitione Literarum.

Similiter de forma & modo exhibendi instrumenta, & allegandi ad finem, ut fieret comparitio, & de tenore relationis comparitorum, & de exhibitione ejusdem, cæterisque in ea parte requisitis, lege titulos de his scriptos in Causis Ecclesiasticis, &c.

47. De Exhibitione Instrumentorum in lingua Gallica, Italica, vel Teutonica ad probationem libelli, vel aliorum Propositorum.

Si instrumentum aut scriptum aliud, faciens ad probationem Propositorum, ex parte tua, vel mandatum procuratoriū sit scriptū in aliqua lingua prædicta, vel quacunque alia extranea lingua, tunc procurator ea exhibens, (dicet) In probationes contentorum in libello, vel talibus propositis ex parte mea, exhibeo quoddam instrumentum tali lingua & lingua Anglicana juramento onerari de fideliter transferendo hujusmodi instrumentum prædictum quam copiam translatam. Tunc Judex juramento onerabit aliquem in hoc negotio peritum, ac probum & honestum, monebitque eum ut petitur.

48. *De Exhibitione Copia translata cum Originali,
& petitione procuratoris exhibentis.*

Introducto & exhibito dicto Instrumento originali, cum vera copia translata in vim juramenti dictæ personæ, ut supra, juratæ, procurator dicet ex superabundanti: Exhibeo dictum instrumentum, una cum vera copia ejusdem in linguam Anglicanam translata; Et allego omnia & singula in dicto instrumento contenta esse vera, & habita, gesta, facta & expedita prout in eodem continentur, & copiam exhibitam esse fideliter translata, & concordare cum originali. Admissa ista allegatione præstabit juramentum quod fideliter posuit & uti possit responsis procuratoris & partis principalis; & jurandus est procurator adversarii de respondendo in primo, ac danda sunt responsa procuratoris; & in omnibus est procedendum, ut in titulo superscripto, de Exhibitione Instrumentorum, &c. Quo facto dicet procurator, Peto copiam translata Instrumenti exti registrari, & facta registratione, originale retradendum decerni, & tantam fidem adhibendam copiam translata quam Originali. Tunc Judex: Decernimus ut petitur; curet tamen procurator, ut instrumentum originale remaneat penes registrarium, ut procurator (tamen instrumentum) adversarii, & adversarius, ex inspectione ejusdem informari possint quid & qua re respondeant.

49. *De Conclusione in causa, de Informationibus dandis Judici ante prolationem sententiæ, & de Prolatione ejusdem.*

DE his omnibus titulis ac aliis, in ea parte incidentibus, lege titulos in dicta practica Curiarum Ecclesiasticarum specialiter scriptos.

50. *De Appellatione à Sententiâ definitiva.*

Appellare licet in quacunq; sententiâ definitiva sive decreto interlocutorio habente vim definitivæ sententiæ, sive viva voce apud astra coram Judice tempore latæ Sententiæ vel interpoliti decreti hujusmodi, sive coram Notario publico & testibus infra decem dies ad appellandum indultos, de statutis hujus regni. de modo & forma interponendi has appellationes, [lege titulos] scriptis in causis Ecclesiasticis. Quære tamen utrum licet appellare à sententiâ lata in Possessorio, quia ea potest reparari in peritorio, sive coram eodem Judice, sive Judice appellationis.

51. *Quod non licet appellare à gravaminibus seu decreta quocunq; interlocutorio habente vim sententiæ definitiva.*

Licet dederis materiam concludentem defensionis tuæ vel concludentes exceptiones contra testes adversarii; vel infra terminum probatorium petieris commissionem ad partes pro testibus examinandis, vel similia, & Judex ea omnia admittere recusaverit, semper practicatum fuit, quod

non licet ab eisdem gravaminibus, nec à quocunq; decreto interlocutorio non habente vim sententiæ definitivæ appellare; quia hæc omnia possunt reparari in appellatione à sententia definitiva, & licet non allegata allegare, & non probata probare.

52. *Quid sit gravamen irreparabile, & decretum habens vim sententiæ definitivæ, à quibus licet appellare.*

SI quis arrestabit bona tua tanquam ad se vel ad alium spectantia, & tu debito tempore recuperasti coram Judice, & allegasti te habere interesse in hujusmodi bonis, petiistiq; te admitti ad proponendum & probandum illud interesse, & jus ac justitiam tibi ministrari, Judex tamen hæc petita aut tacite procedendo ad alia tuæ petitioni contraria, vel præjudicialia, utpote producendo ad primam, secundam, & tertiam defaltam, ut possit in die quarto adjudicare tua bona alteri, vel expresse rejiciendo interesse tuum; hoc dicitur Gravamen Irreparabile, & Decretum interlocutorium habens vim sententiæ definitivæ. Nam non speratur alia sententia de hac questione in eodem Judice; & si in hoc casu non appellaveris, adjudicabuntur tua bona alteri.

Similiter, si creditor tuus egerit contra te pro debito, & tu ad impediendum litis processum, patetum debitum non petend. vel pendentia litis coram alio Judice competente & pro eodem debito, ac Judex aut tacite, ut supra, admittendo libellum & procedendo in causa, vel expresse rejecerit hujusmodi allegata, licet appellare, ut supra.

pra. Nam hæc non possunt reparari in appellatione à sententia definitiva, nec de ea speratur alia sententia; quo ad plures causas tangentes hoc decretum interlocutorium, lege tit. Quid sit decretum interlocutorium, &c. in causis Ecclesiasticis.

53. De Appellationibus in Curiam Admiralitatis interponendis.

Quemadmodum appellare licet à Curia Admiralitatis à sententiis definitivis & decretis prædictis interlocutoriis habentibus vim sententiæ definitivæ, ad Serenissimam Regiam Majestatem, & Curiam Cancellariæ, ita ab omnibus sententiis, decretisque interlocutoriis & gravaminibus per quoscunq; Judices Civiles particulares, seu Vice-admirales, in quibuscunq; partibus hujus regni latis, licet appellare, ad honorandum Dominum, Dominum magnum Angliæ Admirallum, ejusque supremam Curiam Admiralitatis Angliæ, & egregium virum presidentem Judicem sive locum tenentem quemcunque ejusdem Curiae. Judexque hujusmodi habet cognitionem causarum appellationum hujusmodi, nec non querelarum nullitatis quarumcunq;.

54. De Inhibitionibus appellationibus prædictis.

Interposita appellatione in casibus prædictis, abeundus est Judex, at in causis Ecclesiasticis eaque inhibitio non solum continebit inhibitionem Judici à quo est appellatum, ne ulterius procederet in causa, & parti appellatæ in specie, verum etiam

tiam arrestationem personæ appellatæ directæ ut Warrantum seu mandatum primarium aut Originale in causa civili ad capiendum eundem per scapulas, donec comparuerit ad respondendum dicto appellanti in causa appellationis.

55. *De Executione & Certificatorio dicta Inhibitionis.*

Est Judici, parti appellatæ in specie, Registrario, ac cæteris quibuscunq; in genere inhibend. ut in causis ecclesiasticis. Pars verò appellata est arrestanda, & detinenda in carceribus, nisi idonee sit per eum fidejussum de legitime comparendo, ut in titulo de interpositione cautionis, &c. (4.) & [inhibitio] est certificanda, ut Warrantum Originale.

56. *De dandis Fidejussoribus in causa appellationis.*

Si actor in prima instantia appellaverit, non est admittendus ad libellandum, nisi editis fidejussoribus ad effectus illos ad quos in causa civili originali tenetur. Si reus in prima instantia appellaverit, tenetur dare fidejussores ad omnes effectus quos reus in prima instantia dederit. Et nota, quod licet Actor sit appellatus, tenetur tamen fidejubere de iudicio liti, expensis solvendis & ratihabitione procuratorii.

57. *De modo procedendi in causa Appellationis.*

DE modo & forma procedendi in his appellationibus, quoad oblationem libelli, decretum

tum ad transmittendum processum, decretum pro parte principali, de beneficio etiam appellantis à sententia definitiva (quod possit non allegata allegare, & non probata probare) & de modo iustificandi causam appellationis à gravaminibus, de exhibitione processus Judicis à quo, & instrumenti appellationis, deq; cæteris Judiciariis processibus in causis appellationum, lege tit. de his specialiter conscriptos in dicta practica Ecclesiastica: Hoc semper excepto, Quod Judices Ecclesiastici in puniendis contumacibus & contemptoribus utuntur gladio spirituali, nempe, sententia Excommunicationis ad contumaces hujusmodi reprimendos; Judex vero Civilis, sive in causis originalibus, sive in causis Appellationum utitur gladio seculari, (id est) carceribus & pœnis pecuniariis.

§8. *De Petitione Decreti ad dicendum causam quare sententia Executioni demandari non deberet.*

SI pars contra quam lata est sententia, appellaverit tempore latæ sententiæ, quod est, apud acta; & assignandi fuerint sibi termini ad proseguendum eundem, & ad certificandum de prosecutione ejusdem, tunc si interim non fuerit Judici inhibutum, procurator qui obtinuit sententiam, petere debet partem ream vocandam fore ad dicendum causam quare sententia executioni mandari, & expensa taxari non debent; hoc decretum solummodo continet citationem seu monitionem & non arrestationem. Sed si non fuerit appellatum tempore prolationis sententiæ, tunc lapsis quindécim

diebus datis. de statutis hujus regni ad appellandum, à die seu tempore prolationis sententiæ, petendum est dictum decretum ad dicendum causam quare sententia non deberet executioni mandari, ut supra.

59. *De forma demandandi sententiam executioni.*

SI ille qui appellaverit extrajudicialiter, citatus ad dicendum causam quare sententia, &c. allegaverit se debitis loco & tempore appellasse, ut in causis Ecclesiasticis, tunc statuendi sunt sibi termini ad prosequendum & certificandum, vel ad docendum esse appellatum, & in illis lapsis, nullaque executi inhibitione in Judicem, sententia potest executioni mandari in præsentia procuratoris, ut supra allegatis fuisse appellatum. Similiter si is qui appellavit tempore latae sententiæ, & citatus, ut supra, ad dicendum causam quare, &c. vel per se, vel per ejus procuratorem comparens nullam causam concludentem allegaverit, ob quam sententia non deberet executioni mandari. Si vero appellans citatus, ut supra, non comparuerit, tunc in poenam ejus contumaciæ accusati præconizati, & pro contumaci pronunciati est, executioni mandata, & est quo ad præmissa in omnibus, procedendum ut in causis Ecclesiasticis.

60. *De decreto contra partem principalem ad solvendum sortem principalem & expensas.*

Postquam Judex in poenam contumaciæ partis comparentis, sive in præsentia procuratoris, nullam ut supra allegantis causam, ob quam sententia non deberet executioni mandari, demandaverit

verit sententiam executioni, exhibenda est scheda expensarum quæ taxandæ sunt, & juramentum super taxationem præstandum, ut in causis Ecclesiasticis. Tunc dicet procurator, Peto partem principalem monend. fore decerni ad solvendum tam sortem principalem quam expensas taxatas infra aliquod tempus competens, & casu quo non solverit, capiend. fore per scapulas, & in carceribus custodiendū donec solverit. Judex, decernimus ut petitur, statuendo certum tempus solutionis, utpote infra viginti, triginta, vel quadraginta dies juxta Judicis arbitrium.

61. De Decreto, siue Monitione.

Introducto mandato prædicto cum Certificatorio in dorso, quod Reus quæsitus latitavit, quo minus possit moneri juxta tenorem ejusdem, petat procurator ut sequitur: Allego *N.* partem principalem fuisse quæsitum ad effectum monendi eum, juxta tenorem mandati per me introducti, & quod latitavit & latitat, quo minus personaliter moneri possit ad solvendum: quare peto ejus fidejussores monendos fore decerni ad solvendum tam sortem principalem quam expensas citra diem competentem, alioquin capiendos fore, etiam decerni donec solverint.

62. De Decreto contra fidejussores ad solvendum rem adjudicatam, omisso decreto contra partem principalem.


Si pars principalis condemnata habitat extra regnum, vel nullum certum habuerit domicilium intra regnum, ita ut non possit moneri ad solven-

vendum expensas adjudicatas, Judex, si ita placeat, saltem si de præmissis fides facta fuerit, vel de eo notorium sit, quamprimum lapsi sunt dies ad prosequendum & certificandum decernere fidejussores vocandos fore ad dicendum causam quare non debet sententia executioni mandari, &c. & ea potest aut in eorum præsentia, aut in poenam contumaciæ executioni demandari, non vocata principali parte. Similiter etiam postquam Judex demandavit sententiam executioni, & expensas taxavit, potest si vult ex causis præmissis decernere monitionem contra fidejussores ad solvendum res judicatas, omissa, ut supra, monitione contra partem principalem.

63. *De Peremptoria Instantia.*

Quemadmodum si appellatio non sit prosecuta infra terminum à jure indultum, vel infra terminum datum per Judicem, à quo ad prosequendum appellatio sit deserta, quamvis appellans habuerit justā causā appellandi, ut notatur in titulo in *Practica Ecclesiastica*, de his specificè tractantibus; Ita, si causa civilis, postquam sit instituta, non fuerit finita, & sententia infra annos tres perempta est instantia; &, ut a peritis audiui, nulla causa objici aut allegari potest ad impediendum eandem. Sed Judex, nullo habito respectu ad justitiam causæ, debet pronunciare instantiam esse peremptam, atq; reus ab Iudicii observatione, una cum expensis dimittere.

FINIS.



Contenta.

Tit. I.

DE Modo inchoandi sive institu-
endi Actionem in suprema Cu-
ria Admiralitatis Angliæ, & de Te-
nore Warranti seu Mandati Origina-
lis Judicis. Pag. 1

II.

De directione dicti Warranti. 2

III.

De modo exequendi Warrantum. Ibid.

F

De

Contenta.

IV.

De Interpositione Cautionis seu Fidejussor' per Arrestatum de legitime comparendo. 3

V.

Quid sit legitime comparere. Ibid.

VI.

De Certificatorio dicti Warranti. 4

VII.

De Procuratorio ad lites, & constitutione apud acta. Ibid.

VIII.

De Petitione Procuratoris Actoris tempore relati Warranti. 5
IX. De

Contenta.

I X.

De Petitione Rei si Actor non comparuerit in die assignato per executionem Warranti, nec causam suam prosecutus fuerit. 6

X.

De Petitione Procuratorum, hinc inde si Reus & Actor. 8

XI.

De Introductione Fidejussorum per Reum, & stipulatione ab iis captanda. Ibid.

XII.

De Petitione & Protestatione Procuratoris Actoris tempore Introductionis Fidejussorum per Reum. 9

F 2

13. De

Contenta.

XIII.

De Productione Fidejussorum ex parte Actoris, & stipulatione ab iis capienda. 10

XIV.

De Petitione Procuratoris ad uberior seu magis idonee fidejubendum. Ibid.

XV.

De decreto Judicis quoad petita de novis dandis fidejussoribus. 12

XVI.

De forma probandi sufficientiam vel insufficientiam fidejussorum. Ibid.

Contenta.

XVII.

De Cautione interponenda per partem principalem pro Indemnitate Fidejussorum. 13

XVIII.

De Datione sive Oblatione Libelli.
Ibid.

XIX.

De modo testificandi decretum personale ad respondendum petitionibus Libelli, si Reus citari non possit & decreto Judicis. 14

XX.

De Petitione Procuratoris Actoris, si fidejussores rei moniti ad sistendum partem principalem non
F 3 com-

Contenta.

comparuerint, nec sistunt eundem.

16

XXI.

*De Petitione Fidejussorum si non
comparuerint in die eis dato, ad si-
stendum partem principalem.*

17

XXII.

*De Productione partis principalis
& testium, & pœna eis infligenda,
casu quo non subierint examen jura-
mento.*

20

XXIII.

*De Compulsorio contra testes recusan-
tes testimonium prohibere.*

21

XXIV.

*De alio modo procedendi in Causa
Civili,*

Contenta.

*Civili, si Reus a re alieno gravatus,
non possit arrestari; & de Warranto
in hoc casu.* Ibid.

XXV.

De Executione dicti Warranti. 22

XXVI.

De Certificatorio dicti Warranti.
Ibid.

XXVII.

*De Exhibitione, seu Judiciali In-
troductione dicti Warranti, & Pe-
titione Procuratori Actoris.* 23

XXVIII.

*De modo arrestandi bona vel nomina
in manibus aliorum, ad quæ arre-
standa Officiarius non habet accessum.*

24

F 4 XXIX. De

Contenta.

XXIX.

De Certificatorio dicti Warranti. 25

XXX.

*De modo procedendi in dicto Arresto,
si is in cujus manibus bona aut nomi-
na arrestata sunt, comparuerit. Ibid.*

XXXI.

*De Petitione Procuratoris & (decre-
to) Judicis postquam contumaces sunt
pronunciati incidisse in quartam de-
faultam.* 27

XXXII.

*Quæ continentur in dicto Articulo ex
primo decreto.* 29

XXXIII.

*De modo procedendi si ille comparue-
rit,*

Contenta.

rit, ad quem in Warranto prædicitur bona arrestata spectare. Ibid.

XXXIV.

De Comparitione tertiæ personæ ad quam spectant bona arrestata, quamvis arrestantur tanquam bona alterius. 30

XXXV.

Quod Actor possit obtinere primum decretum contra eandem personam ad quam prætendebat bona arrestata spectasse, quam contra omnes alias personas, præter comparentes. 31

XXXVI.

De tertio interveniente pro interesse post latum primum decretum. Ibid.

XXXVII.

Contenta.

XXXVII.

*De modo arrestandi bona tua propria
per alium detenta, occupata, sive
possessa.* 33

XXXVIII.

De modo procedendi in Possessorio. 34

XXXIX.

De modo procedendi in Petitorio. 35

XL.

*In quo casu bona sunt sequestranda,
vel sub arresto custodienda.* 36

XLI.

*Quid si plures arrestarunt una & ea-
dem bona pro eorum respective debi-
tis.* Ibid.

XLII.

Contenta.

XLII.

De Furamento Calumniae, & quot capita continentur in eodem. 37

XLIII.

De Propositione materiae defensionis,
de proponendis Exceptionibus,
de corroboratione testium. Ibid.

XLIV.

De Furamento Suppletorio. 38

XLV.

De Exhibitione Instrumentorum. Ibid.

XLVI.

De Comparitione Literarum. 39

XLVII.

De Exhibitione Instrumentorum in
lin-

Contenta.

*lingua Gallica, Italica, vel Teutonica
ad probationem libelli, vel aliorum
Propositorum.* Ibid.

XLVIII.

*De Exhibitione Copiæ translatae cum
Originali, & petitione procuratoris
exhibentis.* 40

XLIX.

*De Conclusionē in causa, de Informati-
onibus dandis Judici ante prolatio-
nem sententiæ, & de prolatione e-
jusdem.* 41

L.

*De Appellatione a Sententia defini-
tiva.* Ibid.

L I. Quod

Contenta.

L I.

Quod non licet appellare a gravaminibus seu decreto quocunque interlocutorio habente vim sententiæ definitivæ.

Ibid.

L II.

Quid sit gravamen irreparabile, & decretum habens vim sententiæ definitivæ, a quibus licet appellare. 42

L III.

De Appellationibus in Curiam Admiralitatis interponendis. 43

L IV.

De Inhibitionibus appellationibus prædictis *Ibid.*

L V. De

Contenta.

LV.

De Executione & Certificatorio dictæ
Inhibitionis. 44

LVI.

De dandis Fidejussoribus in causa ap-
pellationis. Ibid.

LVII.

De modo procedendi in causa appella-
tionis. Ibid.

LVIII.

De Petitione Decreti ad dicendum
causam quare sententia Executioni
demandari non deberet. 45

LIX.

De Forma demandandi sententiam
Executioni. 46

LX. De

Contenta.

L X.

De Decreto contra partem principalem ad solvendum sortem principalem & expensas. Ibid.

L X I.

De Decreto, sive Monitione. 47

L X II.

De Decreto contra Fidejussores ad solvendum rem adjudicatam, omisso decreto contra partem principalem. Ib.

L X III.

De Peremptoria Instantia. 48

An Elegy on the late FIRE and RUINES of LONDON; By E. Settle, Oxon: Sold by W. Crooke, without Temple-Bar.



